




413
836
2



門 4 13
836
卷 2

彖上傳

大哉乾元萬物資始乃統天雲行雨施始品物流
形大明終始六位時成時乘六龍以御天乾道變
化各正性命保合大和乃利貞首出庶物萬國咸
寧○至哉坤元萬物資生乃順承天坤厚載物德
合无疆含弘光大品物咸亨牝馬地類行地无疆
柔順利貞君子攸行先迷失道後順得常西南得
朋乃與類行東北喪朋喪意乃終有慶安貞之吉應
地无疆○屯剛柔始交而難生難動乎險中大亨

貞雷雨之動滿盈天造草昧妹音宜建侯而不寧○
蒙山下有險險而止蒙蒙亨以亨行時中也匪我
求童蒙童蒙求我志應也初筮告以剛中也再三
瀆瀆則不告瀆蒙也蒙以養正聖功也○需須也
險在前也剛健而不陷其義不困窮矣需有孚光
亨貞吉位乎天位以正中也利涉大川往有功也
○訟上剛下險險而健訟訟有孚窒惕中吉剛來
而得中也終凶訟不可成也利見大人尚中正也
不利涉大川入于淵也○師衆也貞正也能以衆

正以謂能左
右之也可以王矣剛中而應行險而順以此毒天
下而民從之吉又何咎矣○比吉也疑衍比輔也下
順從也原筮元永貞无咎以剛中也不寧方來上
下應也後夫凶其道窮也○小畜柔得位而上下
應之曰小畜健而巽剛中而志行乃亨密雲不雨
尚往也自我西郊施未行也施始
豉反○履柔履剛也說
而應乎乾悅說音是以履虎尾不噬人亨剛中正履帝
位而不疚光明也○泰小往大來吉亨則是天地
交而萬物通也上下交而其志同也內陽而外陰

內健而外順。內君子而外小人。君子道長，小人道消也。○否之匪人，不利君子貞，大往小來，則是天地不交而萬物不通也。上下不交而天下無邦也。內陰而外陽，內柔而外剛，內小人而外君子，小人道長，君子道消也。○同人柔得位得中而應乎乾，曰同人。同人曰：野亨。利涉大川。乾行也。文明以健，中正而應，君子正也。唯君子為能通天下之志。○大有柔得尊位大中而上下應之，曰大有。其德剛健而文明，應乎天而時行，是以元亨。

○謙亨。天道下濟而光明，地道卑而上行。濟節細反天

道虧盈而益謙，地道變盈而流謙，鬼神害盈而福謙，人道惡盈而好謙。惡鳥路反 好呼報反謙尊而光，卑而不可踰。

君子之終也。○豫剛應而志行，順以動，豫順以動，故天地如之。而況建侯行師乎？天地以順動，故

日月不過，而四時不忒。聖人以順動，則刑罰清而民服。豫之時義大矣哉。○隨剛來而下柔，動而

說隨。說音悅大亨貞，无咎，而天下隨時之。○蠱剛上而柔下，巽而止，蠱

義大矣哉。王肅本時字在之 字下今當從之○蠱剛上而柔下，巽而止，蠱

義大矣哉。王肅本時字在之 字下今當從之○蠱剛上而柔下，巽而止，蠱

義大矣哉。王肅本時字在之 字下今當從之○蠱剛上而柔下，巽而止，蠱

義大矣哉。王肅本時字在之 字下今當從之○蠱剛上而柔下，巽而止，蠱

義大矣哉。王肅本時字在之 字下今當從之○蠱剛上而柔下，巽而止，蠱

蠱元亨而天下治也。利涉大川，往有事也。先甲三日，後甲三日，終則有始，天行也。○臨剛浸而長，浸漸進也至于八月有凶，消不久也。○大觀在上，順而巽，中正以觀天下，觀示也觀盥而不薦，有孚顒若，顒魚恭反下觀而化也。觀天之神道而四時不忒，聖人以神道設教而天下服矣。○頤中有物曰噬嗑，噬嗑而亨，剛柔分動而明，雷電合而章，柔得中而上行，上時掌反雖不當位，利用獄也。○賁亨，亨字疑衍柔來而文，剛故亨，分剛上而文

柔故小利有攸往，天文也。文明以止，人文也。觀乎天文以察時變，觀乎人文以化成天下。○剝剝也，柔變剛也，不利有攸往，小人長也。順而止之，觀象也。君子尚消息盈虛，天行也。○復亨，剛反動而以順行，是以出入无疾，朋來无咎，反復其道，七日來復，天行也。利有攸往，剛長也。復其見天地之心乎。○无妄，剛自外來而為主於內，動而健，剛中而應大亨利，以正天之命也。其匪正有眚，不利有攸往。无妄之往，何之矣。天命不佑，行矣哉。○大畜，剛健篤

實輝光日新其德剛上而尚賢能止健大正也不
家食吉養賢也利涉大川應乎天也○頤貞吉養
正則吉也觀頤觀其所養也自求口實觀其自養
也天地養萬物聖人養賢以及萬民頤之時大矣
哉○大過大者過也棟橈本末弱也剛過而中巽
而說行悅說音利有攸往乃亨大過之時大矣哉○習
坎重險也龍反重直水流而不盈行險而不失其信維心
亨乃以剛中也行有尚往有功也天險不可升也
地險山川丘陵也王公設險以守其國險之時用
大矣哉○離麗也麗附也日月麗乎天百穀草木麗乎
土重明以麗乎正乃化成天下柔麗乎中正故亨
是以畜牝牛吉也

彖下傳

咸感也柔上而剛下二氣感應以相與止而說悅音
男下女下還嫁反是以亨利貞取女吉也取七天地感而萬
物化生聖人感人心而天下和平觀其所感而天
地萬物之情可見矣○恆久也剛上而柔下雷風
相與巽而動剛柔皆應恆恆亨无咎利貞久於其

道也。天地之道恆久而不已也。利有攸往，終則有始也。日月得天而能久照，四時變化而能久成，聖人久於其道而天下化成。觀其所恆而天地萬物之情可見矣。○遯亨，遯而亨也。剛當位而應，與時行也。小利貞，浸而長也。遯之時義大矣哉。○大壯，大者壯也。剛以動，故壯。大壯利貞，大者正也。正大而天地之情可見矣。○晉，進也。明出地上，順而麗乎大明，柔進而上行，是以康侯用錫馬蕃庶，晝日三接也。○明入地中，明夷內文明而外柔順，以蒙

大難^{乃且反}。文王^{乃且反}以之，利艱貞，晦其明也。內難而能正其志，箕子以之。○家人，女正位乎內，男正位乎外，男女正，天地之大義也。家人有嚴君焉，父母之謂也。父子兄弟，夫婦，而家道正，正家而天下定矣。○睽，火動而上，^{時掌反}澤動而下，^{遐嫁反}二女同居，其志不同行。說而麗乎明，柔進而上行，得中而應乎剛，是以小事吉。天地睽而其事同也，男女睽而其志通也，萬物睽而其事類也。睽之時用大矣哉。○蹇，難也。險在前也，見險而能止，知矣哉。^{知音}

校定音訓
易經
卷下
六

蹇利西南往得中也。不利東北其道窮也。利見大
人往有功也。當位貞吉以正邦也。蹇之時用大矣
哉。○解險以動動而免乎險解利西南往得衆
也。其來復吉乃得中也。有攸往夙吉往有功也。天
地解而雷雨作雷雨作而百果草木皆甲拆反物宅解
之時大矣哉。○損損下益上其道上行損而有孚
元吉无咎可貞利有攸往曷之用二簋可用享二
簋應有時損剛益柔有時損益盈虛與時偕行。○
益損上益下民說无疆說音悅自上下下下上退嫁反下如字其道

大光利有攸往中正有慶利涉大川木道乃行益
動而巽日進无疆天施地生施始鼓反其益无方凡益之
道與時偕行。○夬決也剛決柔也健而說悅音悅決而
和揚于王庭柔乘五剛也孚號有厲其危乃光也
告自邑不利即戎所尚乃窮也利有攸往剛長乃
終也。○姤遇也柔遇剛也勿用取女不可與長也
天地相遇品物咸章也剛遇中正天下大行也姤
之時義大矣哉。○萃聚也順以說悅音悅剛中而應故
聚也王假有廟假至也致孝享也利見大人亨聚以正

易經下

也。用大牲吉利。有攸往順天命也。觀其所聚而天
地萬物之情可見矣。○柔以時升，巽而順剛中而
應，是以大亨。用見大人，勿恤有慶也。南征吉，志行
也。○困剛揜也。揜本又作掩於揜反險以說悅音，困而不失其所亨。
其唯君子乎。貞，大人吉。以剛中也。有言不信，尚口
乃窮也。○巽乎水而上水井，井養而不窮也。改邑
不改井，乃以剛中也。汔至亦未繙井，繙音未有功也。
羸其瓶，是以凶也。○革水火相息也。滅息也二女同居，其
志不相得，曰革。已日乃孚，革而信之。文明以說，大

亨以正革而當其悔，乃亡天地革而四時成。湯武
革命順乎天而應乎人，革之時大矣哉。○鼎象也，
以木巽火，亨飪也。亨普庚反 飪入甚反聖人亨以享上帝而大亨
以養聖賢，巽而耳目聰明，柔進而上行，得中而應
乎剛，是以元亨。○震亨，震來虩虩，許逆反恐致福也。笑
言啞啞，烏客反後有則也。震驚百里，驚遠而懼邇也。出
可以守宗廟社稷，以為祭主也。○艮止也。時止則
止，時行則行動，靜不失其時，其道光明。艮其止，當作北背
止其所也。上下敵應，不相與也。是以不獲其身，行

卷之四 易經

其庭不見其人无咎也。○漸之進也。疑衍女歸吉也。

進得位往有功也。進以正可以正邦也。其位剛得

中也。止而巽動不窮也。○歸妹天地之大義也。天

地不交而萬物不興。歸妹人之終始也。說以動。說音悅

所歸妹也。征凶位不當也。无攸利柔乘剛也。○豐

大也。明以動故豐。主假之也。假至尚大也。勿憂宜日中

宜照天下也。日中則昃月盈則食。天地盈虛與時

消息而況於人乎。況於鬼神乎。○旅小亨柔得中

乎外而順乎剛止而麗乎明是以小亨利貞吉也。

旅之時義大矣哉。○重巽以申命剛巽乎中正而

志行柔皆順乎剛是以小亨利有攸往利見大人

○兌說也。說音悅下同剛中而柔外說以利貞是以順乎

天而應乎人說以先民。先西薦反民忘其勞說以犯難。乃且反

民忘其死說之大民勸矣哉。○渙亨剛來而不窮

柔得位乎外而上同。王假有廟王乃在中也。利涉

大川乘木有功也。○節亨剛柔分而剛得中苦節

不可貞其道窮也。說以行險。說音悅當位以節中正以

通天地節而四時成節以制度不傷財不害民。

中孚柔在內而剛得中說而巽說音悅孚乃化邦也豚魚吉信及豚魚也利涉大川乘木舟虛也中孚以利貞乃應乎天也○小過小者過而亨也過以利貞與時行也柔得中是以小事吉也剛失位而不中是以不可大事也有飛鳥之象焉飛鳥遺之音不宜上宜下大吉上逆而下順也○既濟亨濟下疑脫小字小者亨也利貞剛柔正而位當也初吉柔得中也終止則亂其道窮也○未濟亨柔得中也小狐汔濟未出中也濡其尾无攸利不續終也雖不當位

剛柔應也

象上傳

天行健君子以自彊不息○潛龍勿用陽在下也○見龍在田德施普也○終日乾乾反復道也復考服反○或躍在淵進无咎也○飛龍在天大人造也造祖早反○亢龍有悔盈不可久也○用九天德不可為首也○地勢坤君子以厚德載物○履霜堅冰魏志作初○陰始凝也馴致其道馴似道反至堅冰也○六二之動直以方也不習无不利地道光也○含章可貞

六履霜 當從之

以時發也。或從王事，知光大也。知音。括囊无咎，慎

不害也。○黃裳元吉，文在中也。○龍戰于野，其道

窮也。○用六永貞，以大終也。○雲雷屯，君子以經

綸。○雖磐桓，志行正也。以貴下賤，大得民也。○六

二之難，乃且反。乘剛也。十年乃字，反常也。○即鹿无虞

以從禽也。君子舍之，往吝窮也。○求而往，明也。○

屯其膏，施未光也。○泣血漣如，何可長也。○山下

出泉，蒙君子以果行育德。行下孟反下同。○利用刑人，以正

法也。○子克家，剛柔接也。○勿用取女，行不順也。

順慎古字通用。○困蒙之吝，獨遠實也。遠字萬反。○童蒙之吉，順以

巽也。○利用禦寇，上下順也。○雲上於天，需。○君

子以飲食宴樂。洛音。○需于郊，不犯難行也。難乃反。利用

恆无咎，未失常也。○需于沙，衍在中也。衍以善反。雖小

有言，以吉終也。○需于泥，災在外也。自我致寇，敬

慎不敗也。○需于血，順以聽也。○酒食貞吉，以中

正也。○不速之客來，敬之終吉。雖不當位。當都浪反。未大

失也。○天與水違行，訟。君子以作事謀始。○不永

所事，訟不可長也。雖小有言，其辯明也。○不克訟

歸逋竄也

竄七亂反

自下訟上患至掇也

掇自取也

食舊德從

上吉也

復即命渝安貞不失也

訟元吉以中

正也

以訟受服亦不足敬也

地中有水師君

子以容民畜眾

畜許六反

師出以律失律凶也

中吉承天寵也王三錫命懷萬邦也

師或輿尸

大无功也

左次无咎未失常也

長子帥師以

中行也弟子輿尸使不當也

大君有命以正功

也小人勿用必亂邦也

地上有水比先王以建萬國親諸侯

比之初六有他吉也

比之自內不自失也

比之匪人不亦傷乎

外比於賢以從上也

顯比之吉位正中也

舍逆取順舍音捨失前禽也

邑人不誡上使中也

比之无首无所終也

風行天上小畜君子以懿文德

復自道其義吉也

牽復在中亦不自失也

-11 136 31 914" data-label="Text">

夫妻反目不能正室也

-53 136 11 914" data-label="Text">

有孚惕出上合志也

-95 136 53 914" data-label="Text">

有孚攣如不獨富也

-137 136 95 914" data-label="Text">

既雨既處德積載也

-179 136 137 914" data-label="Text">

君子征凶有所疑也

-221 136 179 914" data-label="Text">

上天下澤履君子以辨上下定民志

-263 136 221 914" data-label="Text">

素履之往獨行願也

-305 136 263 914" data-label="Text">

幽人貞吉中不自亂也

-347 136 305 914" data-label="Text">

眇能視

不足_レ以有明也。跛能履，不足_レ以與行也。噬人之凶，位不當也。武人爲于大君，志剛也。愬愬終吉，志行也。夬履貞厲，位正當也。元吉在上，大有慶也。天地交泰，后以財成，天地之道，輔相天地之宜。相息亮反以左右民。左音佐右音佑拔茅征吉，志在外也。包荒得尚于中行，以光大也。无平不陂。晁氏曰今本作无往不復天地際也。翩翩不富，晷失實也。不戒以孚，中心願也。以祉元吉，中以行願也。城復于隍，其命亂也。天地不交，否。君子以儉德辟難。辟音避難乃日反不可榮

以祿。拔茅貞吉，志在君也。大人否亨，不亂羣也。包羞，位不當也。有命无咎，志行也。大人之吉，位正當也。否終則傾，何可長也。天與火同人，君子以類族辨物。出門同人，又誰咎也。同人于宗，吝道也。伏戎于莽，敵剛也。三歲不興安行也。乘其墉，義弗克也。其吉則困而反則也。○同人之先，以中直也。大師相遇，言相克也。同人于郊，志未得也。火在天上，大有。君子以遏惡揚善，順天休命。○大有初九，无交害也。○大車以

欽定四庫全書

易經

卷

十一

載積中不敗也。○公用亨于天子。亨讀為享小人害也。○

匪其彭无咎。明辨哲也。哲章舌反○厥孚交如。信以發志

也。威如之吉。易而无備也。易以鼓反○大有上吉。自天祐

也。○地中有山。謙。君子以裒多益寡。裒稱物平施候反

○謙謙君子。卑以自牧也。○鳴謙貞吉。中心

得也。○勞謙君子。萬民服也。○无不利。撝謙不違

則也。○利用侵伐。征不服也。○鳴謙志未得也。可

用行師。征邑國也。○雷出地奮。豫。先王以作樂崇

德。殷薦之上帝。殷盛也以配祖考。○初六。鳴豫志窮凶

也。○不終日。貞吉。以中正也。○盱豫有悔。位不當

也。○由豫大有得。志大行也。○六五。貞疾。乘剛也。

恆不死。中未亡也。○冥豫在上。何可長也。○澤中

有雷。隨。君子以嚮晦入宴息。○官有渝。從正吉也。

出門交有功。不失也。○係小子。弗兼與也。○係丈

夫。志舍下也。舍音捨○隨有獲。其義凶也。有孚在道。明

功也。○孚于嘉。吉位正中也。○拘係之上。窮也。○

山下有風。蠱。君子以振民育德。○幹父之蠱。意承

考也。○幹母之蠱。得中道也。○幹父之蠱。終无咎

也。○裕父之蠱往未得也。○幹父用譽承以德也。○不事王侯志可則也。○澤上有地臨君子以教思无窮容保民无疆。○咸臨貞吉志行正也。○咸臨吉无不利未順命也。○甘臨位不當也既憂之咎不長也。○至臨无咎位當也。○大君之宜行中之謂也。○敦臨之吉志在內也。○風行地上觀先王以省方觀民設教省悉井反。○初六童觀小人道也。○闕觀女貞亦可醜也。○觀我生進退未失道也。○觀國之光尚賓也。○觀我生觀民也。○觀其生志

未平也。○雷電噬嗑雷電當作雷先王以明罰敕法。○履校滅趾不行也。○噬膚滅鼻乘剛也。○遇毒位不當也。○利艱貞吉未光也。○貞厲无咎得當也。○何校滅耳聰不明也。○山下有火賁君子以明庶政无敢折獄。○舍車而徒義弗乘也。○賁其須與上興也。○永貞之吉終莫之陵也。○六四當位疑也匪寇婚媾終无尤也。○六五之吉有喜也。○白賁无咎上得志也。○山附於地剝附音上以厚下安宅。○剝牀以足以滅下也。○剝牀以辨未有與也。

剝之无咎。失上下也。剝牀以膚。切近災也。以宮人寵終。无尤也。君子得輿。民所載也。小人剝廬。終不可用也。雷在地中。復先王以至日閉關。商旅不行。后不省方。不遠之復。以脩身也。休復之吉。以下仁也。頻復之厲。義无咎也。中行獨復。以從道也。敦復无悔。中以自考也。迷復之凶。反君道也。天下雷行。物與无妄。先王以茂對時。育萬物。无妄之往。得志也。不耕獲。未富也。行人得牛。邑人災也。可貞。无咎。固有

之也。有猶守也无妄之藥。不可試也。无妄之行。窮之

災也。天在山中。大畜。君子以多識。前言往行。識音志行

下孟反以畜其德。有厲利已。不犯災也。輿說輶中

无尤也。利有攸往。上合志也。六四元吉。有喜

也。六五之吉。有慶也。何天之衢。道大行也。

山下有雷。頤。君子以慎言語。節飲食。觀我朵頤。

亦不足貴也。六二征凶。行失類也。十年勿用。

道大悖也。顛頤之吉。上施光也。居貞之吉。順

以從上也。由頤厲吉。大有慶也。澤滅木。大過

君子以獨立不懼。遯世无悶。○藉用白茅。柔在下也。○老夫女妻。過以相與也。○棟橈之凶。不可以有輔也。○棟隆之吉。不橈乎下也。○枯楊生華。何可久也。○老婦士夫。亦可醜也。○過涉之凶。不可咎也。○水洊至。習坎。君子以常德行。習教事。○來習坎。入坎。失道凶也。○求小得。未出中也。○來之坎坎。終无功也。○樽酒簋二。剛柔際也。○坎不盈。中未大也。○上六失道凶。三歲也。○明兩作。離大人以繼明。照于四方。○履錯之敬。以辟咎也。○黃離元吉。得中道也。○日昃之離。何可久也。○突如其來。无所容也。○六五之吉。離王公也。○王用出征。以正邦也。

象下傳

山上有澤。咸。君子以虛受人。○咸其拇。志在外也。○雖凶居。吉順不害也。○咸其股。亦不處也。志在隨人所執下也。○貞吉。悔亡。未感害也。○憧憧往來。未光大也。○咸其脢。志末也。○咸其輔頰舌。滕口說也。○雷風恆。君子以立不易方。○浚恆。

校定音訓

易經下象下

卷七

之凶始求深也。○九二悔亡能久中也。○不恆其德无所容也。○久非其位安得禽也。○婦人貞吉從一而終也。夫子制義從婦凶也。○振恆在上大无功也。○天下有山遯君子以遠小人遠于萬反不惡而嚴。○遯尾之厲不往何災也。○執用黄牛固志也。○係遯之厲有疾憊也。憊滿拜反困也畜臣妾吉不可大事也。○君子好遯小人否也。○嘉遯貞吉以正志也。○肥遯无不利无所疑也。○雷在天上大壯君子以非禮弗履。○壯于趾其孚窮也。○九二貞吉以

中也。○小人用壯君子罔也。罔无也○藩決不羸羸困也尚往也。○喪羊于易位不當也。○不能退不能遂不詳也。○艱則吉咎不長也。○明出地上晉君子以自昭明德。○晉如摧如摧罪雷反獨行正也。○裕无咎未受命也。○受茲介福以中正也。○衆允之志上行也。○龜鼠貞厲位不當也。○失得勿恤往有慶也。○維用伐邑道未光也。○明入地中明夷君子以莅衆用晦而明。○君子于行義不食也。○六二之吉順以則也。○南狩之志乃大得也。○入于左腹獲心

意也。○箕子之貞明不可息也。○初登于天照四

國也。後入于地失則也。○風自火出家人君子以

言有物而行有恆。行下○閑有家志未變也。○六二

之吉順以巽也。○家人嗃嗃呼落反未失也。婦子嘻嘻

失家節也。○富家大吉順在位也。○王假有家假更反

也至交相愛也。○威如之吉反身之謂也。○上火下

澤睽君子以同而異。○見惡人以辟咎也。辟音避○遇

主于巷未失道也。○見輿曳位不當也。无初有終

遇剛也。○交孚无咎志行也。○厥宗噬膚往有慶

也。○遇雨之吉君羣疑亡也。○山上有水蹇君子以

反身脩德。○往蹇來譽宜待也。○王臣蹇蹇終无

尤也。○往蹇來反內喜之也。○往蹇來連當位實

也。○大蹇朋來以中節也。○往蹇來碩志在內也

利見大人以從貴也。○雷雨作解君子以赦過宥

罪。○剛柔之際義无咎也。○九二貞吉得中道也

○負且乘亦可醜也。自我致戎又誰咎也。○解而

拇未當位也。○君子有解小人退也。○公用射隼

荀子反

以解悖也。○山下有澤損君子以懲忿窒欲。

已事遄往尚合志也通尚上○九二利貞中以爲志也

○一人行三則疑也○損其疾亦可喜也○六五

元吉自上祐也○弗損益之大得志也○風雷益

君子以見善則遷有過則改○元吉无咎下不厚

事也○或益之自外來也○益用凶事固有之也

○告公從以益志也○有孚惠心勿問之矣惠我

德大得志也○莫益之偏辭也或擊之自外來也

○澤上於天夬君子以施祿及下居德則忌居德則忌未詳

○不勝而往咎也○有戎勿恤得中道也○君子

夬夬終无咎也○其行次且次七私反且七餘反位不當也聞言

不信聰不明也○中行无咎中未光也○无號之

凶終不可長也○天下有風姤后以施命誥四方

○繫于金柅乃履反柔道牽也牽進也○包有魚義不及賓

也○其行次且行未牽也○无魚之凶遠民也遠于萬反

○九五含章中正也有隕自天志不舍命也舍音拾

姤其角上窮吝也○澤上於地萃君子以除戎器

除者脩而聚之謂戒不虞○乃亂乃萃其志亂也○引吉无咎

中未變也○往无咎上巽也○大吉无咎位不當

校定音訓

也○萃有位志未光也○齋咨涕洟齋將池反未安上

也○地中生木升君子以順德順慎古字通用下同積小以高大

○允升大吉上合志也○九二之孚有喜也○升

虛邑无所疑也○王用亨于岐山亨讀為享順事也○貞

吉升階大得志也○冥升在上消不富也○澤无

水困君子以致命遂志○入于幽谷幽不明也○

困于酒食中有慶也○據于蒺藜乘剛也入于其

宮不見其妻不祥也○來徐徐志在下也雖不當

位有與也○劓刖志未得也乃徐有說以中直也

利用祭祀受福也○困于葛藟未當也動悔有悔

吉行也○木上有水井君子以勞民勸相勞力報反相息亮反

井泥不食下也舊井无禽時舍也舍音捨○井谷射鮒

无與也○井渫不食渫息列反行恻也求王明受福也

○井甃无咎脩井也○寒泉之食中正也○元吉

在上大成也○澤中有火革君子以治曆明時○

鞶用黃牛不可以有為也○己日革之行有嘉也

○革言三就又何之矣○改命之吉信志也○大

入虎變其文炳也炳比井反

○君子豹變其文蔚也

蔚紂胃反小

人革面順以從君也。○木上有火鼎君子以正位
 凝命。○鼎顛趾未悖也。利出否以從貴也。○鼎有
 實慎所之也。我仇有疾終无尤也。○鼎耳革失其
 義也。○覆公餗送鹿反信如何也。○鼎黃耳中以爲實
 也。○玉鉉在上鉉去典反剛柔節也。○洊雷洊在薦反震君子以
 恐懼脩省。○震來虩虩許逆反恐致福也。笑言啞啞烏客反
 後有則也。○震來厲乘剛也。○震蘇蘇位不當也。
 ○震遂泥未光也。○震往來厲危行也。其事在中
 大无喪也。○震索索中未得也。雖凶无咎畏鄰戒

也。○兼山艮君子以思不出其位。○艮其趾未失
 正也。○不拯其隨未退聽也。○艮其限危薰心也。
 ○艮其身止諸躬也。○艮其輔以中正也。正字義文叶韻可見
 敦艮之吉以厚終也。○山上有木漸君子以居賢
 德善俗。疑賢字衍或善下有脫字○小子之厲義无咎也。○飲食衎
 衎不素飽也。○夫征不復離羣醜也。離力智反婦孕不育
 失其道也。利用禦寇順相保也。○或得其桷音角順
 以巽也。○終莫之勝吉得所願也。○其羽可用爲
 儀吉不可亂也。○澤上有雷歸妹君子以永終知

敝○歸妹以娣以恆也。跛能履吉相承也。○利幽
人之貞未變常也。○歸妹以須未當也。○愆期之
志有待而行也。○帝乙歸妹如其娣之袂良也。
其位在中以貴行也。○上六无實承虛筐也。○雷
電皆至豐君子以折獄致刑。折之舌反○雖旬无咎過旬
災也。○有孚發若信以發志也。○豐其沛不可大
事也折其右肱終不可用也。○豐其蔀位不當也。
日中見斗幽不明也。遇其夷主吉行也。○六五之
吉有慶也。○豐其屋天際翔也。闕其戶闕其无人

闕苦
賜反

自藏也。○山上有火旅君子以明慎用刑而不

留獄。○旅瑣瑣志窮災也。○得童僕貞終无尤也。
○旅焚其次亦以傷矣。以旅與下其義喪也。○旅
于處未得位也。得其資斧心未快也。○終以譽命
上逮也。○以旅在上其義焚也。喪牛于易終莫之
聞也。○隨風巽君子以申命行事。○進退志疑也。
利武人之貞志治也。○紛若之吉得中也。○頻巽
之吝志窮也。○田獲三品有功也。○九五之吉位
正中也。○巽在牀下上窮也。喪其資斧正乎凶也。

麗澤兌君子以朋友講習○和兌之吉行未疑也○孚兌之吉信志也○來兌之凶位不當也○九四之喜有慶也○孚于剝位正當也○上六引兌未光也○風行水上渙先王以享于帝立廟○初六之吉順也○渙奔其机几音得願也○渙其躬志在外也○渙其羣元吉光大也○王居无咎正位也○渙其血遠害也遠手萬反澤上有水節君子以制數度議德行○不出戶庭知通塞也塞悉則反不出門庭凶失時極也○不節之嗟又誰咎也○安節之亨承上道也○甘節之吉居位中也○苦節貞凶其道窮也○澤上有風中孚君子以議獄緩死○初九虞吉志未變也○其子和之中心願也○或鼓或罷位不當也○馬匹亡絕類上也上時掌反有孚變如位正當也○翰音登于天何可長也○山上有雷小過君子以行過乎恭行下孟反喪過乎哀用過乎儉○飛鳥以凶不可如何也○不及其君臣不可過也○從或戕之凶如何也○弗過遇之位不當也往厲必戒終不可長也○密雲不雨已上也

校定音訓

初九

四

已上天高也○弗遇過之已亢也○水在火上既濟君子以思患而豫防之○曳其輪義无咎也○七日得以中道也○三年克之億也備德拜反○終日戒有所疑也○東鄰殺牛不如西鄰之時也實受其福吉大來也○濡其首厲何可久也○火在水上未濟君子以慎辨物居方○濡其尾亦不知極也○九二貞吉中以行正也○未濟征凶位不當也○貞吉悔亡志行也○君子之光其暉吉也○飲酒濡首亦不知節也

繫辭上傳

天尊地卑乾坤定矣卑高以陳貴賤位矣動靜有常剛柔斷矣斷丁亂反方以類聚物以羣分吉凶生矣在天成象在地成形變化見矣見賢通反是故剛柔相摩未何反八卦相盪鼓之以雷霆潤之以風雨日月運行一寒一暑乾道成男坤道成女乾知大始坤作成物乾以易知易以鼓反坤以簡能易則易知簡則易從易知則有親易從則有功有親則可久有功則可大可久則賢人之德可大則賢人之業易簡而天下之

理得矣。天下之理得而成位乎其中矣。○聖人設卦觀象繫辭焉而明吉凶。剛柔相推而生變化。是故吉凶者失得之象也。悔吝者憂虞之象也。變化者進退之象也。剛柔者晝夜之象也。六爻之動三極之道也。是故君子所居而安者易之序也。所樂而玩者爻之辭也。是故君子居則觀其象而玩其辭。動則觀其變而玩其占。是以自天祐之吉无不利。○彖者言乎象者也。爻者言乎變者也。吉凶者言乎其失得也。悔吝者言乎其小疵也。无咎者善補過也。是故列貴賤者存乎位。齊小大者存乎卦。辨吉凶者存乎辭。憂悔吝者存乎介。震无咎者存乎悔也。是故卦有小大。辭有險易。辭也者各指其所之。○易與天地準。故能彌綸天地之道。仰以觀於天文。俯以察於地理。是故知幽明之故。原始反終。故知死生之說。精氣為物。游魂為變。是故知鬼神之情狀。與天地相似。故不違。知周乎萬物。而道濟天下。故不過。旁行而不流。樂天知命。故不憂。安土敦乎仁。故能愛。範圍天地之化而不

校定音列

易經

卷下

三十一

知音

樂音

而道濟天下故不過旁行而不流樂天知命故

安土敦乎仁故能愛範圍天地之化而不

齊猶定也

震動也

辨吉凶者存乎辭憂悔吝者存乎介震无咎

者存乎悔也

樂音

爻之辭也是故君子居則觀其象而玩

其辭動則觀其變而玩其占是以自天祐之吉无

不利○彖者言乎象者也爻者言乎變者也吉凶

者言乎其失得也悔吝者言乎其小疵也无咎者

善補過也是故列貴賤者存乎位齊小大者存乎

卦辨吉凶者存乎辭憂悔吝者存乎介震无咎

者存乎悔也

是故卦有小大辭有險易辭也者各

指其所之○易與天地準故能彌綸天地之道仰

以觀於天文俯以察於地理是故知幽明之故原

始反終故知死生之說精氣為物游魂為變是故

知鬼神之情狀與天地相似故不違知周乎萬物

而道濟天下故不過旁行而不流樂天知命故

不憂安土敦乎仁故能愛範圍天地之化而不

過曲成萬物而不遺通乎晝夜之道而知故神无
方而易无體○一陰一陽之謂道繼之者善也成
之者性也仁者見之謂之仁知者見之謂之知百
姓日用而不知故君子之道鮮矣鮮悉淺反顯諸仁藏諸
用鼓萬物而不與聖人同憂盛德大業至矣哉富
有之謂大業日新之謂盛德生生之謂易成象之
謂乾效法之謂坤也極數知來之謂占通變之謂
事陰陽不測之謂神○夫易廣矣大矣扶以言乎
遠則不禦以言乎邇則靜而正以言乎天地之間
則備矣夫乾其靜也專其動也直是以大生焉夫
坤其靜也翕虛級反其動也闢婢亦反是以廣生焉廣大配
天地變通配四時陰陽之義配日月易簡之善配
至德○子曰易其至矣乎夫易聖人所以崇德而
廣業也知崇禮卑崇效天卑法地天地設位而易
行乎其中矣成性存存道義之門○聖人有以見
天下之賾仕責反雜亂也而擬諸其形容象其物宜是故謂
之象聖人有以見天下之動而觀其會通以行其
典禮繫辭焉以斷其吉凶斷亂反是故謂之爻言天下

校定音訓

易經下

卷之二

之至賤而不可惡也惡鳥路反言天下之至動而不可亂

也擬之而後言議之而後動擬議以成其變化鳴

鶴在陰其子和之我有好爵吾與爾靡之靡音子曰

君子居其室出其言善則千里之外應之況其邇

者乎居其室出其言不善則千里之外違之況其

邇者乎言出乎身加乎民行發乎邇行下孟反見乎遠見賢過反

言行君子之樞機樞尺朱反樞機之發榮辱之主也言行

君子之所以動天地也可不慎乎同人先號咷而

後笑咷道刀反子曰君子之道或出或處或默或語二人

同心其利斷金同心之言其臭如蘭初六藉用白

茅无咎子曰苟錯諸地而可矣藉之用茅何咎之

有慎之至也夫茅之為物薄而用可重也慎斯術

也以往其无所失矣勞謙君子有終吉子曰勞而

不伐有功而不德厚之至也語以其功下人者也

德言盛禮言恭謙也者致恭以存其位者也亢龍

有悔子曰貴而无位高而无民賢人在下位而无

輔是以動而有悔也不出戶庭无咎子曰亂之所

生也則言語以為階君不密則失臣臣不密則失

身幾事不密則害成機是以君子慎密而不出也

子曰作易者其知盜乎易曰負且乘致寇至負也

者小人之事也乘也者君子之器也小人而乘君

子之器盜思奪之矣上慢下暴盜思伐之矣慢藏

誨盜冶容誨淫易曰負且乘致寇至盜之招也

天一地二天三地四天五地六天七地八天九地

十此簡本在第十章之首天數五地數五五位相得而各有

合天數二十有五地數三十凡天地之數五十有

五此所以成變化而行鬼神也此簡本在大衍之後今按宜在此大衍之

數五十其用四十有九分而為二以象兩掛一以

象三揲之以四以象四時揲時設反歸奇於扚以象閏助郎得反

五歲再閏故再扚而後掛乾之策二百一十有六

坤之策百四十有四凡三百有六十當期之日二

篇之策萬有一千五百二十當萬物之數也是故

四營而成易十有八變而成卦八卦而小成引而

伸之觸類而長之長丁丈反天下之能事畢矣顯道神德

行下孟反是故可與酬酢可與祐神矣子曰知變化之

道者其知神之所為乎易有聖人之道四焉以

言者尚其辭以動者尚其變以制器者尚其象以
 卜筮者尚其占是以君子將有為也將有行也問
 焉而以言其受命也如嚮許兩反古文嚮字无有遠近幽深遂
 知來物非天下之至精其孰能與於此與音預參伍以
 變參七南反錯綜其數錯七各反通其變遂成天地之文極其數
 遂定天下之象非天下之至變其孰能與於此易
 无思也无為也寂然不動感而遂通天下之故非
 天下之至神其孰能與於此夫易聖人之所以極
 深而研幾也幾音機唯深也故能通天下之志唯幾也

故能成天下之務唯神也故不疾而速不行而至
 子曰易有聖人之道四焉者此之謂也○子曰夫
 易何為者也夫易開物成務冒天下之道冒莫報反如斯
 而已者也是故聖人以通天下之志以定天下之
 業以斷天下之疑是故著之德圓而神著音尸卦之德
 方以知知音六爻之義易以貢易音亦聖人以此洗心退
 藏於密吉凶與民同患神以知來知以藏往其孰
 能與於此哉古之聰明睿知神武而不殺者夫符音
 是以明於天之道而察於民之故是興神物以前

欽定四庫全書

易經

卷下

民用聖人以此齊戒以神明其德夫是故闔戶謂
之坤闔戶謂之乾一闔一闢謂之變往來不窮謂
之通見乃謂之象見賢形乃謂之器制而用之謂之
法利用出入民咸用之謂之神是故易有大極大音
是生兩儀兩儀生四象四象生八卦八卦定吉凶
吉凶生大業是故法象莫大乎天地變通莫大乎
四時縣象著明縣音莫大乎日月崇高莫大乎富貴
備物致用立成器立下疑以為天下利莫大乎聖人
探賾索隱探吐南反賾仕鉤深致遠以定天下之吉凶成

天下之亶亶者亶亡莫大乎著龜是故天生神物聖
人則之天地變化聖人效之天垂象見吉凶聖人
象之河出圖洛出書聖人則之易有四象所以示
也繫辭焉所以告也定之以吉凶所以斷也斷丁
易曰自天祐之吉无不利子曰祐者助也天之所
助者順也人之所助者信也履信思乎順又以尚
賢也是以自天祐之吉无不利也子曰書不盡言
言不盡意然則聖人之意其不可見乎子曰聖人
立象以盡意設卦以盡情偽繫辭焉以盡其言變

而通之以盡利。鼓之舞之以盡神。乾坤其易之蘊。邪。乾坤成列而易立乎其中矣。乾坤毀則无以見易。易不可見則乾坤或幾乎息矣。幾音機是故形而上者謂之道。形而下者謂之器。化而裁之謂之變。推而行之謂之通。舉而措之天下之民謂之事業。是故夫象聖人有以見天下之賾而擬諸其形容象其物宜。是故謂之象。聖人有以見天下之動而觀其會通以行其典禮。繫辭焉以斷其吉凶。是故謂之爻。極天下之賾者存乎卦。鼓天下之動者存乎辭。化而裁之存乎變。推而行之存乎通。神而明之存乎其人。默而成之不言而信存乎德行。

繫辭下傳

八卦成列象在其中矣。因而重之。重直龍反爻在其中矣。剛柔相推變在其中矣。繫辭焉而命之動在其中矣。吉凶悔吝者生乎動者也。剛柔者立本者也。變通者趣時者也。趣七樹反吉凶者貞勝者也。天地之道貞觀者也。觀官喚反日月之道貞明者也。天下之動貞夫一者也。扶天音夫乾確然示人易矣。確苦角反夫坤隤然示人

繫辭下 三十一

簡矣賁天爻也者效此者也象也者像此者也象爻

象動乎內吉凶見乎外功業見乎變聖人之情見

乎辭天地之大德曰生聖人之大寶曰位何以守

位曰人今本作仁何以聚人曰財理財正辭禁民為非曰

義王于古者包犧氏之王天下也況反仰則觀象於天

俯則觀法於地觀鳥獸之文與地之宜近取諸身

遠取諸物於是始作八卦以通神明之德以類萬

物之情作結繩而為網罟罟音古以佃以漁佃音田蓋取諸

離包犧氏沒神農氏作斲木為耜斲音角反揉木為耒

力對反耨之利耨音豆反以教天下蓋取諸益日中為市致

天下之民聚天下之貨交易而退各得其所蓋取

諸噬嗑噬音市制反神農氏沒黃帝堯舜氏作通其變使

民不倦神而化之使民宜之易窮則變變則通通

則久是以自天祐之吉无不利黃帝堯舜垂衣裳

而天下治蓋取諸乾坤剡木為舟剡音口反剡木為楫剡音舟反

舟楫之利以濟不通致遠以利天下致遠以利天下疑衍蓋取

諸渙渙音喚服牛乘馬引重致遠以利天下蓋取諸隨

重門擊柝柝音他落反以待暴客蓋取諸豫斲木為杵斲音丁緩反

掘地為白

掘其曰反 曰求酉反

白杵之利萬民以濟蓋取諸小過

弦木為弧

胡音

剡木為矢

剡以丹反

弧矢之利以威天下蓋

取諸睽

蓋反

上古穴居而野處後世聖人易之以宮

室上棟下宇以待風雨蓋取諸大壯古之葬者厚

衣之以新

衣於既反

葬之中野不封不樹喪期無數後世

聖人易之以棺槨蓋取諸大過上古結繩而治

後世聖人易之以書契百官以治萬民以察

蓋取諸夬

古快反

是故易者象也象也者像也彖者

材也爻也者效天下之動者是故吉凶生而悔

吝著也○陽卦多陰陰卦多陽其故何也陽卦奇

陰卦耦其德行何也陽一君而二民君子之道也

陰二君而一民小人之道也○易曰憧憧往來

憧昌容反

朋從爾思子曰天下何思何慮天下同歸而殊塗

一致而百慮天下何思何慮日往則月來月往則

日來日月相推而明生焉寒往則暑來暑往則寒

來寒暑相推而歲成焉往者屈也來者信也

信音申

屈

信相感而利生焉尺蠖之屈

蠖紀縛反

以求信也龍蛇之

蟄

直立反

以存身也精義入神以致用也利用安身以

崇德也過此以往未之或知也窮神知化德之盛

也易曰困于石據于疾藜疾音疾 藜音黎入于其宮不見其

妻凶子曰非所困而困焉名必辱非所據而據焉

身必危既辱且危死期將至妻其可得見邪易曰

公用射隼于高墉之上射食亦反隼音荀 尹反墉音庸獲之无不利子曰

隼者禽也弓矢者器也射之者人也君子藏器於

身待時而動何不利之有動而不括古活反 結礙也是以出

而有獲語成器而動者也子曰小人不恥不仁不

畏不義不見利不勸不威不懲小懲而大誡此小

人之福也易曰履校滅趾无咎此之謂也善不積

不足以成名惡不積不足以滅身小人以小善為

无益而弗為也以小惡為无傷而弗去也故惡積

而不可掩罪大而不可解易曰何校滅耳凶子曰

危者安其位者也亡者保其存者也亂者有其治

者也是故君子安而不忘危存而不忘亡治而不

忘亂是以身安而國家可保也易曰其亡其亡繫

于苞桑子曰德薄而位尊知小而謀大力小而任

重鮮不及矣易曰鼎折足覆公餗餗音速其形渥屋音凶

言不勝其任也勝音升子曰知幾其神乎君子上交不

諂下交不瀆其知幾乎幾者動之微吉之先見者

也見賢通反君子見幾而作不俟終日易曰介于石不終

日貞吉介如石焉寧用終日斷可識矣君子知微

知彰知柔知剛萬夫之望子曰顏氏之子其殆庶

幾乎有不善未嘗不知知之未嘗復行也復反易曰

不遠復无祇悔元吉天地絪縕絪音因縕紆云反萬物化醇男

女構精萬物化生易曰三人行則損一人一人行

則得其友言致一也子曰君子安其身而後動易

其心而後語易以鼓反定其交而後求君子脩此三者故

全也危以動則民不與也懼以語則民不應也无

交而求則民不與也莫之與則傷之者至矣易曰

莫益之或擊之立心勿恆凶○子曰乾坤其易之

門邪乾陽物也坤陰物也陰陽合德而剛柔有體

以體天地之撰仕勉反以通神明之德其稱名也雜而

不越於稽其類其衰世之意邪夫易彰往而察來

而微顯而微顯恐當作微顯而闡幽開而當名辨物正言斷辭則

備矣其稱名也小其取類也大其旨遠其辭文其

言曲而中丁仲反其事肆而隱陳也因貳以濟民行貳疑也行下孟反

以明得失之報。○易之興也其於中古乎作易者

其有憂患乎是故履德之基也謙德之柄也復德

之本也恆德之固也損德之脩也益德之裕也困

德之辨也井德之地也巽德之制也履和而至謙

尊而光復小而辨於物恆雜而不厭損先難而後

易以鼓反益長裕而不設長丁反困窮而通井居其所而遷

巽稱而隱履以和行下孟反謙以制禮復以自知恆以一

德損以遠害遠于萬反益以興利困以寡怨井以辨義巽

以行權。○易之為書也不可遠為道也屢遷變動

不居周流六虛上下无常剛柔相易不可為典要

唯變所適其出入以度外內使知懼其出入以度外內使知懼此句未詳疑有脫誤

又明於憂患與故无有師保如臨父母初率其辭

而揆其方揆度也方道也既有典常苟非其人道不虛行。○

易之為書也原始要終要一終遙反以為質也六爻相雜唯

其時物也其初難知其上易知易以鼓反本末也初辭擬

之卒成之終若夫雜物撰德辨是與非則非其中

爻不備噫亦要存亡吉凶則居可知矣知者觀其

爻不備噫亦要存亡吉凶則居可知矣知者觀其

彖辭則思過半矣。一與四同功而異位，其善不同。二多譽，四多懼，近也。柔之為道，不利遠者，其要元咎，其用柔中也。三與五同功而異位，三多凶，五多功，貴賤之等也。其柔危，其剛勝邪。勝音升○易之為書也，廣大悉備，有天道焉，有人道焉，有地道焉，兼三才而兩之，故六六者，非他也。三才之道也，道有變動，故曰爻，爻有等，故曰物，物相雜，故曰文，文不當，都浪反故吉凶生焉。○易之興也，其當殷之末世，周之盛德邪？當文王與紂之事邪？是故其辭危危者，使

平易者，使傾其道，甚大百物不廢，懼以終始，其要无咎，此之謂易之道也。○夫乾，天下之至健也，德行恆簡以行，恆易以知險，夫坤，天下之至順也，德行恆簡以知阻。莊呂反能說諸心。說音悅能研諸侯之慮。侯之二字行定天下之吉凶，成天下之亹亹者，是故變化云為，吉事有祥，象事知器，占事知來，天地設位，聖人成能，人謀鬼謀，百姓與能。與音預八卦以象告，爻彖以情言，剛柔雜居，而吉凶可見矣。變動以利言，吉凶以情遷，是故愛惡相攻。惡高路反而吉凶生，遠近相取，而悔吝生，情

校定音言 易經卷一 三十七

偽相感而利害生。凡易之情，近而不相得，則凶。或
害之悔且吝。將叛者，其辭慙。中心疑者，其辭枝。吉
人之辭寡，躁人之辭多。誣善之人，其辭游。失其守
者，其辭屈。

文言傳

元者，善之長也。長丁反亨者，嘉之會也。利者，義之和也。
貞者，事之幹也。君子體仁足以長人，嘉會足以合
禮，利物足以和義，貞固足以幹事。君子行此四德
者，故曰乾元亨利貞。初九曰：潛龍勿用，何謂也？子

曰：龍德而隱者也，不易乎世，不成乎名，遯世无悶。

門遜反。煩鬱也。

不見是而无悶，樂則行之。

樂音洛。

憂則違之，確乎

其不可拔。

確苦學反。

潛龍也。九二曰：見龍在田，利見大人。

何謂也？子曰：龍德而正中者也。庸言之信，庸行之

謹。

行下孟反。

閑邪存其誠，善世而不伐，德博而化。易曰：見

龍在田，利見大人，君德也。九三曰：君子終日乾乾，

夕惕若厲，无咎，何謂也？子曰：君子進德脩業，忠信

所以進德也，脩辭立其誠，所以居業也。知至至之，

可與幾也。

幾音機。

知終終之，可與存義也。是故居上位

而不驕在下位而不憂故乾乾因其時而惕雖危
无咎矣九四曰或躍在淵无咎何謂也子曰上下
无常非為邪也進退无恆非離羣也離方君子進德
脩業欲及時也故无咎九五曰飛龍在天利見大
人何謂也子曰同聲相應同氣相求水流濕火就
燥雲從龍風從虎聖人作而萬物覩作起也本乎天者
親上本乎地者親下則各從其類也上九曰亢龍
有悔何謂也子曰貴而无位高而无民賢人在下
位而无輔是以動而有悔也潛龍勿用下也見龍
在田時舍也終日乾乾行事也或躍在淵自試也
飛龍在天上治也亢龍有悔窮之災也乾元用九
天下治也治直潛龍勿用陽氣潛藏見龍在田天下
文明終日乾乾與時偕行或躍在淵乾道乃革飛
龍在天乃位乎天德亢龍有悔與時偕極乾元用
九乃見天則乾元者始而亨者也利貞者性情也
乾始能以美利利天下不言所利大矣哉大哉乾
乎剛健中正純粹精也六爻發揮輝音旁通情也時
乘六龍以御天也雲行雨施天下平也君子以成

德為行下孟反日可見之行也。潛之為言也。隱而未

見賢遍反行而未成。是以君子弗用也。君子學以聚之。

問以辨之。寬以居之。仁以行之。易曰：見龍在田，利

見大人，君德也。九三：重剛而不中龍反，上不在天下

不在田，故乾乾因其時而惕，雖危无咎矣。九四：重

剛而不中，上不在天下，不在田中，不在人故，或之

或之者，疑之也。故无咎。夫大人者扶天音，與天地合其

德，與日月合其明，與四時合其序，與鬼神合其吉。

凶。先天而天弗違先悉薦反，後天而奉天時後故且反，天且弗違。

而況於人乎？況於鬼神乎？亢之為言也，知進而不知

退，知存而不知亡，知得而不知喪息浪反，其唯聖人

乎？知進退存亡而不失其正者，其唯聖人乎。○坤

至柔而動也剛，至靜而德方。後得主而有常程傳曰：主下當有利。

字含萬物而化光，坤道其順乎。承天而時行，積善

之家，必有餘慶。積不善之家，必有餘殃。臣弑其君，

子弑其父，非一朝一夕之故，其所由來者漸矣。由

辨之不早辨也。易曰：履霜，堅冰至，蓋言順也。古字順慎通用

直其正也，方其義也。君子敬以直內，義以方外，敬

義立而德不孤直方大不習无不利則不疑其所
行也陰雖有美含之以從王事弗敢成也地道也
妻道也臣道也地道无成而代有終也天地變化
草木蕃天地閉賢人隱易曰括囊无咎无譽蓋言
謹也君子黃中通理正位居體美在其中而暢於
四支發於事業美之至也陰疑於陽必戰爲其嫌
於无陽也爲手 偽反故稱龍焉猶未離其類也離力 智反故稱血
焉夫玄黃者天地之雜也天玄而地黃

說卦傳

昔者聖人之作易也幽贊於神明而生著贊子且反 著音戶參
天兩地而倚數倚於 綺反觀變於陰陽而立卦發揮於剛
柔而生爻揮音 輝和順於道德而理於義窮理盡性以
至於命○昔者聖人之作易也將以順性命之理
是以立天之道曰陰與陽立地之道曰柔與剛立
人之道曰仁與義兼三才而兩之故易六畫而成
卦分陰分陽迭用柔剛故易六位而成章○天地
定位山澤通氣雷風相薄旁各 反水火不相射食亦反 厭也八
卦相錯數往者順知來者逆是故易逆數也○雷

交一七二

說卦

四二

以動之風以散之雨以潤之日以暄之暄沉晚反乾也艮以

止之兌以說之說音悅乾以君之坤以藏之○帝出乎

震齊乎巽相見乎離致役乎坤說言乎兌戰乎乾

勞乎坎成言乎艮萬物出乎震震東方也齊乎巽

巽東南也齊也者言萬物之潔齊也離也者明也

萬物皆相見南方之卦也聖人南面而聽天下嚮

明而治蓋取諸此也坤也者地也萬物皆致養焉

故曰致役乎坤兌正秋也萬物之所說也故曰說

言乎兌戰乎乾乾西北之卦也言陰陽相薄也坎

者水也正北方之卦也勞卦也萬物之所歸也故

曰勞乎坎艮東北之卦也萬物之所成終而所成

始也故曰成言乎艮○神也者妙萬物而為言者

也動萬物者莫疾乎雷撓萬物者莫疾乎風撓乃燥

萬物者莫熯乎火熯呼但反說萬物者莫說乎澤潤萬物

者莫潤乎水終萬物始萬物者莫盛乎艮故水火

相逮雷風不相悖必丙反山澤通氣然後能變化既成

萬物也○乾健也坤順也震動也巽入也坎陷也

離麗也艮止也兌說也○乾為馬坤為牛震為龍

大易卷之四 說卦第十

巽為雞坎為豕離為雉艮為狗兌為羊乾為首

坤為腹震為足巽為股坎為耳離為目艮為手兌

為口○乾天也故稱乎父坤地也故稱乎母震一

索而得男素色白反故謂之長男長丁丈反下同巽一索而得女故

謂之長女坎再索而得男故謂之中男離再索而

得女故謂之中女艮三索而得男故謂之少男少詩掌反

兌三索而得女故謂之少女○乾為天為圓圓音

為君為父為玉為金為寒為冰為大赤為良馬為

老馬為瘠馬瘠在亦反為駮馬駮邦角反為木果坤為地為母為

布為釜房甫反為吝嗇色音為均為子母牛為大輿為文

為眾為柄其於地也為黑震為雷為龍為玄黃為

專孚音為大塗為長子為決躁為蒼筤竹復音郎為萑葦

其於馬也為善鳴為馵足馵主樹反為作足為的顙的丁顙反

其於稼也為反生其究為健為蕃鮮蕃音煩巽為木

為風為長女為繩直為工為白為長為高為進退

為不果為臭昌又反其於人也為寡髮為廣顙為多白

眼為近利市三倍其究為躁卦坎為水為溝瀆為

隱伏為矯輮如九反為弓輪其於人也為加憂為心病

為耳痛為血卦為赤其於馬也為美脊精亦反為亟心

亟紀力反為下首為薄蹄徒低反為曳以制反其於輿也為多眚生頷反

為通為月為盜其於木也為堅多心離為火為日

為電為中女為甲冑直又反為戈兵其於人也為大腹

為乾卦乾音干為鼈卑列反為蟹巨賢反為贏力禾反為蚌步頂反為龜其

於木也為科上槁科苦禾反艮為山為徑路為小石為門

闕為果蓏力火反為闔寺闔音昏為指為狗為鼠為黔喙之

屬黔其廉反喙況廢反其於木也為堅多節兌為澤為少女為巫

為口舌為毀折為附決其於地也為剛鹵力杜反為妾

為羊

序卦傳

有天地然後萬物生焉盈天地之間者唯萬物故

受之以屯屯者盈也屯者物之始生也物生必蒙

故受之以蒙蒙者蒙也物之穉也穉直史反物穉不可不

養也故受之以需需者飲食之道也飲食必有訟

故受之以訟訟必有眾起故受之以師師者眾也

眾必有所比故受之以比比者比也比必有所畜

故受之以小畜物畜然後有禮故受之以履履

反數六 故受之以小畜物畜然後有禮故受之以履履

而泰然後安故受之以泰泰者通也物不可以終
通故受之以否物不可以終否故受之以同人與
人同者物必歸焉故受之以大有有大者不可以
盈故受之以謙有大而能謙必豫故受之以豫豫
必有隨故受之以隨以喜隨人者必有事故受之
以蠱蠱者事也有事而後可大故受之以臨臨者
大也物大然後可觀故受之以觀官喚反可觀而後有
所合故受之以噬嗑嗑者合也物不可以苟合而
已故受之以賁彼偽反賁者飾也致飾然後亨則盡矣

故受之以剝剝者剝也物不可以終盡剝窮上反
下故受之以復復則不妄矣故受之以无妄有无
妄然後可畜故受之以大畜物畜然後可養故受
之以頤以之反頤者養也不養則不可動故受之以大
過物不可以終過故受之以坎坎者陷也陷必有
所麗故受之以離離者麗也○有天地然後有萬
物有萬物然後有男女有男女然後有夫婦有夫
婦然後有父子有父子然後有君臣有君臣然後
有上下有上下然後禮義有所錯七路反夫婦之道不

可以不久也故受之以恆恆者久也物不可以久
 居其所故受之以遯遯者退也物不可以終遯故
 受之以大壯物不可以終壯故受之以晉晉者進
 也進必有所傷故受之以明夷夷者傷也傷於外
 者必反其家故受之以家人家道窮必乖故受之
 以睽睽者乖也乖必有難故受之以蹇蹇者
 難也物不可以終難故受之以解解者緩也緩必
 有所失故受之以損損而不已必益故受之以益
 益而不已必決故受之以夬夬者決也決必有所

遇故受之以姤姤者遇也物相遇而後聚故受之
 以萃萃者聚也聚而上者謂之升上時故受之以升
 升而不已必困故受之以困困乎上者必反下故
 受之以井井道不可不革故受之以革革物者莫
 若鼎故受之以鼎主器者莫若長子故受之以震
 震者動也物不可以終動止之故受之以艮艮者
 止也物不可以終止故受之以漸漸者進也進必
 有所歸故受之以歸妹得其所歸者必大故受之
 以豐豐者大也窮大者必失其居故受之以旅旅

而无所容故受之以巽巽者入也入而後說之說音悅下
故受之以兌兌者說也說而後散之故受之以
渙渙者離也物不可以終離故受之以節節而信
之故受之以中孚有其信者必行之故受之以小
過有過物者必濟故受之以既濟物不可窮也故
受之以未濟終焉

雜卦傳

乾剛坤柔比樂師憂樂音洛臨觀之義或與或求屯見
而不失其居見賢過反蒙雜而著震起也艮止也損益盛

衰之始也大畜時也无妄災也萃聚而升不來也
謙輕而豫怠也噬嗑食也賁无色也兌見而巽伏
也隨无故也蠱則飭也剝爛也復反也晉晝也明
夷誅也井通而困相遇也咸速也恆久也渙離也
節止也解緩也蹇難也睽外也家人內也否泰反
其類也大壯則止遯則退也大有衆也同人親也
革去故也去起呂反鼎取新也小過過也中孚信也豐多
故親實旅也離上而坎下也上時掌反小畜寡也履不處
也需不進也訟不親也大過顛也姤遇也柔遇剛

也。漸。女歸待男行也。頤。養正也。既濟。定也。歸妹。女
之終也。未濟。男之窮也。夬。決也。剛決柔也。君子道
長。小人道憂也。

易經終

早稲田大学図書館

011888003012